

Bosna i Hercegovina
Federacija Bosne i Hercegovine
Srednjobošanski kanton/Kanton Središnja Bosna
OPĆINSKI SUD U TRAVNIKU

Broj: 051-0-Su-10-000 073
Travnik, 27.01.2010. godine

**KANTONALNI SUD
NOVI TRAVNIK**

U prilogu Vam dostavljamo popunjene tabele sa podacima o radu Općinskog suda u Travniku ,koje smo dostavili i VSTV-u , koje se odnose na period rada od 01.01.2009.godine do 31.12.2009.godine.

Tabelarni pregled predmeta koji su bili u radu u periodu od 01.01. do 31.12.2009. godine, po referatima je slijedeći:

- broj nezavršenih predmeta na dan 31.12.2008. godine, a to je 14880 predmeta, broj primljenih predmeta za period od 01.01. do 31.12.2009. godine je 34226 predmeta, broj predmeta u radu je 49106, broj završenih predmeta za period od 01.01. do 31.12.2009. godine je 29605, tako da je zaostatak na dan 31.12.2009. godine 19501 predmet.

KRIVIČNI REFERAT

Na dan 31.12.2008. godine bilo je ukupno neriješeno 874 predmeta, priliv je bio za period 12 mjeseci 721 predmet, u radu je 1595 predmeta, riješeno je 776 tako da je zaostatak 819 predmeta.

Na ovom referatu rade 4 suca.

Napomena:

Shodno mjerama za rješavanje starih i zaostalih predmeta, postupalo se tako da su u radu kao prioritet bili predmeti koji se rješavaju po starom ZKP-u i predmeti koji imaju optužnicu staru do godinu dana, tako da je Plan za rješavanje starih i zaostalih predmeta za 2009. godinu , u potpunosti ispoštovan.

PARNIČNI REFERAT

Na dan 31.12.2008. godine bilo je ukupno neriješenih predmeta 1422, primljeno je za period od 12 mjeseci 853 predmeta, u radu je bilo 2275 predmeta, riješeno je 1202, tako da je broj neriješenih predmeta 1073, na ovom referatu radilo je pet sudaca, od osmog mjeseca rade četiri suca (jedna sutkinja koristi porodiljno odsustvo, od osmog mjeseca 2009.godine)

Napomena:

Shodno mjerama za rješavanje starih i zaostalih predmeta, prioritetno su se rješavali predmeti koji su zakonom određeni kao hitni, a to su smetanje posjeda, izdržavanje, stambeni predmeti, radni sporovi i privremene mjere, nadalje su se rješavali predmeti prema datumu podnošenja tužbe, prijedloga, tako da inicijalni akt ne bude stariji od godinu dana, te je temeljem navedenog, Plan za rješavanje starih i zaostalih predmeta u u potpunosti ispoštovan.

Parnični referat male vrijednosti

Na dan 31.12.2008. godine nezavršenih je 2350 predmeta. Za 12 mjeseci primljeno je 2517 predmeta, tako da je ukupno u radu 4867 predmeta, a riješenih je 2392, a zaostatak je 2475 predmeta.

Napomena:

Shodno mjerama za rješavanje starih i zaostalih predmeta, sporovi male vrijednosti, su dati u rad stručnim saradnicima, tako da su suci parničnog odjela rješavali predmete osnovnog referata.

PRIVREDNI REFERAT

Na dan 31.12 2008. godine nezavršenih predmeta je bilo 853, primljeno je za 12 mjeseci 354 predmeta, u radu je 1207 predmeta, riješeno je za 12 mjeseci 642 predmeta, a zaostatak je 565 predmeta.

Na navedenom referatu rade četiri suca.

Napomena:

Prema zaključku sudaca sa ovog referata, u prioritet za rad uzeti su svi predmeti čiji je inicijalni akt starosti do godinu dana, što je također predviđeno Planom za rješavanje starih i zaostalih predmeta za 2009. godinu.

Prema podacima iz tabele o neriješenim predmetima prema godini iz koje potječe inicijalni akt najveći broj neriješenih predmeta je iz 2008. godine.

Cijeneći važnost rješavanja privrednih predmeta , obzirom da je Privredno odjeljenje ovog suda nadležno za rješavanje privrednih sporova za cijeli SBK/KSB, na ovaj referat su raspoređena četiri suca ,dok sporove male vrijednosti iz oblasti privrede rješavaju stručni suradnici, a suci rješavaju samo predmete osnovnog referata, kao i stečaja i likvidacije.

Privredni referat male vrijednosti

Na dan 31.12.2008. godine nezavršenih je 426 predmeta. Za 12 mjeseci primljeno je 716 predmeta, u radu su 1142 predmeta, riješeno za dvanaest mjeseci je 577 predmeta, a zaostatak je 565.

Napomena:

Shodno mjerama za rješavanje starih i zaostalih predmeta, svi predmeti male vrijednosti iz oblasti privrede dodjeljuju se u rad stručnim suradnicima.

Prema ostvarenim rezultatima Plan za rješavanje starih i zaostalih predmeta u cjelosti se poštovao.

Poteškoće u radu , na rješavanju predmeta male vrijednosti iz oblasti privrede , su najvećim dijelom u nemogućnosti dostavljanja pismena na adrese privrednih društava koje nisu ažurirane , a dostavljači raspolažu samo podacima da je „nepoznat na datoj adresi“, „odselio“ itd., te se u tim slučajevima radi oglašavanje , što doprinosi usporavanju rješavanja predmeta.

Shodno mjerama za rješavanje starih i zaostalih predmeta, svi predmeti male vrijednosti iz oblasti privrede dodjeljuju se u rad stručnim suradnicima.

Prema ostvarenim rezultatima Plan za rješavanje starih i zaostalih predmeta u cjelosti se poštovao.

OSTAVINSKI REFERAT

Na ovom referatu sa 31.12.2008. godine bilo je 170 neriješenih predmeta, za devet mjeseci primljeno je 879 predmeta, u radu je ukupno 1049 predmeta, od toga je riješeno 765 predmeta, tako da je ostalo 284 neriješenih predmeta,

Na navedenim predmetima rade dva stručna saradnika.

Napomena:

Najveći dio rada na ovim predmetima oduzima vrijeme za donošenje dopunskih rješenja , što nije nikako **normirano**, a ne može se iznijeti kao završen predmet, jer je osnovni ostavinski predmet već iznijet kao završen, kao što smo naglasili i u šestomjesečnom izvještaju.

VANPARNIČNI REFERAT

Broj neriješenih predmeta na dan 31.12.2008. godine je 290, primljeno je 529 predmeta, u radu je 819 predmeta, riješeno je za 12 mjeseci 348 predmeta, tako da je zaostatak 471 predmeta.

Napomena:

Od 01.01.2009.godine sutkinja koja je bila zadužena za vanparnični referat , otišla je u mirovinu , tako da jedan dio predmeta rješava predsjednik suda , dodatni sudac i stručni suradnici , u predmetima po kojima mogu po Zakonu postupati.

REGISTAR PRIVREDNIH DRUŠTAVA

Na ovom referatu broj neriješenih predmeta na dan 31.12.2008. godine je 115, primljeno je za 12 mjeseci 908 predmeta, u radu je bilo 1023 predmeta, riješeno je 918 predmeta, tako da je ostalo neriješeno 105 predmeta na dan 31.12.2009. godine.

Na ovom referatu radi jedan sudac, i Plan daljnjeg rada je održati postojeću ažurnost u radu.

Napomena:

Izvršeno je unošenje podataka za sva privredna društva u elektronsku knjigu.

IZVRŠNI REFERAT

Na dan 31.12.2008.godine neriješenih predmeta je 1173, primljeno je za 12 mjeseci 3976 predmeta, u radu je 5249 predmeta, riješeno je 1843 predmeta, a neriješenih na dan 31.12.2009. godine je 3306 predmeta.

Nezavedenih prijedloga za izvršenje RTV pretplate je oko 12000.

Napomena:

U normama za izvršni referat , koje je dostavilo VSTV , ne pravi se razlika između izvršenja koja imaju uložene prigovore i žalbe i po kojima treba odlučivati , u odnosu na usvajanje izvršnih prijedloga ., što svakako prdstavlja problem kod ostvarivanja mjesečne norme, što suci istiu kao osnovni problem u radu na izvršnom referatu.

Obzirom da će Općinski sud Travnik biti pilot sud u primjeni vremenskog mjerenja normi ,gdje se pravi razlika između predmeta u izvršnom postupku prema poduzetim

radnjama , očekuje se da će i ovi predmeti biti različito normirani prema težini rada i poduzetim radnjama.

IZVRŠNI PRIVREDNI REFERAT

Broj neriješenih predmeta na dan 31.12.2008.godine je 1901, primljeno je 504 predmeta za 12 mjeseci, ukupno u radu je 2405 predmeta, od toga je riješeno 305 predmeta, a zaostatak je 2100 predmeta.

Nezavedenih Ip predmeta naplate RTV takse ima 3000.

ZEMLJIŠNO- KNJIŽNI

Na referatu Zemljišno knjižnog odjeljenja, koji obuhvata Kpu, Dn , Nar i Upise, osim na Dn koji ima zaostatak od 363 predmeta i KPU koji nema zaostatak predmeta, na ostalim referatima takođe nema zaostataka i potrebno je držati stanje ažurnosti koje je uspostavljeno u toku 2009. godine.

Privremeni asistenti i dalje vrše preuzimanje podataka iz Zemljišnih knjiga u elektronsku formu, pod nadzorom kontrolora.

PREKRŠAJNI REFERAT

Na ovom referatu zaostatak predmeta je na dan 31.12.2008.godine bio 3802, primljeno je 2939 predmeta, u radu je 6741 predmet, riješeno je ukupno 3733 predmeta , tako de je zaostatak 3008 predmeta.

Prema strukturi završeno je 663 predmeta iz oblasti JRM, 958 predmeta iz oblasti SPC, 4 predmeta iz oblasti privredni prijestup(bivši privredni kriminal) , 2108 predmeta iz oblasti „ostali“.

Ukupno je riješeno **46** „carinskih“ predmeta, **605** „poreznih“ i **585** iz oblasti „šume“.

Izdato je ukupno 1362 uvjerenja.

Na referatu izvršenja prekršajnih sankcija, podaci su slijedeći,

Nezavršenih predmeta na početku godine je bilo 7167, riješeno je 3602 , ostatak je 3565.

Ukupno je naplaćeno troškova postupka i novčanih kazni **368.757,00 KM**.

Izvršeno je 259 zaštitnih mjera u oblasti saobraćaja i 278 u oblasti „ostalo“.

Izvršeno je 1186 kaznenih bodova.

ZAKLJUČAK

Analizirajući rad suda za 2009.-tu godinu ,pojedinačno po svim referatima , i rad sudaca i stručnih saradnika može se zaključiti da je i ova godina bila uspješna o čemu potvrdu nalazimo i u visini ostvarene kolektivne norme koja iznosi 163,3 %,kao i procenat kvaliteta rada suda koji iznosi 83,3 %.

Shodno Planu za rješavanje starih i zaostalih predmeta po svim referatima za 2009. godinu,a nakon izvršene analize rada izvodi se zaključak da je na svim referatima koeficijent promjene u minusu ,uz napomenu da je i dalje najveći broj neriješenih predmeta u kojima inicijalni akt potječe iz 2008. godine.

Analiza rada se temelji i na izvještajima koji su se sačinjavali mjesečno i kvartalno u kojima su se navodili podaci o rješanim starim predmetima,vršila analiza po sudskim odjeljenjima i na kolegiju sudaca i predsjednika suda.

Nakon izvršene analize može se ocjeniti da je rad na starim predmetima bio u skladu sa postavljenim zadacima iz Plana za rješavanje starih i zaostalih predmeta u 2009. godini, što je rezultiralo smanjenjem broja zaostalih predmeta.

Kod realiziranja Plana za rješavanje starih i zaostalih predmeta,i dalje je problem nedostajući broj sudaca(jer jedna sutkinja iz parničnog odjela koristi porođajno odsustvo) i stručnih suradnika, koji bi postupajući po predmetima u kojima je to zakon predvidio , olakšali rad sudaca i ostavili prostor da suci rješavaju samo predmete iz osnovnog referata.

Prema Odluci VSTV-a u toku 2010.godine očekuje se imenovanje dva redovna suca i jedan dodatni.

PREDSJEDNIK SUDA
Goran Đujić